



تورک مورخ

yal: 1 1 Kōm unuevul 1327 Idgh: 2

تورکلوک فاندمنه چالشیر اوزیش کونده بر جیقار

بویوک ملی املر

۴

بویوک انسانلر، بویوک امللری نره دن آلیورلر؟ شبهه یوق که یاشادینی دائره دن، اطرافنده کی انسانلردن ومنسوب اولدینی ملت افرادندن آلیور. یوقاریده، بویوک امللرک بویوک انسانلرده تولدی آلهی بر سردر دیمشدم. شیمدی ایسه بو بویوک انسانلر بو امللری یاشادینی دائره افرادندن آلیور، دییورم. بویکی فکر آره سنده تناقض کوروله سین. بویوک فکرلری، شبهه یوق که، انسان یاشادینی محیطدن اقتباس ایدیور. بونک «سری» اولماسی، افراد ملتده مبهم و داغینیق، بر صورتده موجود اولان املی طوبیایه رق معین بر شکله قویا بیلیمک قوه سیدر.

بویوک آدم طرفندن کشف وتأسيس ایدیلان «بویوک ملی امل» هیچ بر زمان «یوق» دن «وار» اولمیور. بو بویوک امل، بویوک آدم طرفندن معین بر شکله وضع ایدیلنجه یه قدر، ملت ایچنده شکلسز بر حالده موجود بولمیور، بواملی بوتون افراد ملت حس ایدیور. لکن پک نادر زمانلرده، دومانلی بر حالده حس ایدیور. مبهم صورتده دویدینی بو املک نه اولدینی کندیسی ده تعیین وتعرف ایده میور. حالبوکه داهی (génie)، اوز ملتی افرادنده داغیلیمش، هرکس طرفندن حس اولدینی حالده کیسه نک تعبیر (formuler) ایده مه دیکی و هیچ بر شکله قویا مادینی بو بویوک ملی املی هرکس دن زیاده حس ایتدیکن ماعدا هرکس دن دها آچیق و دها معین بر صورتده تعبیر ایدیور و اوکا واضح بر شکل ویریور.

برکره تعبیر اولنه رق کندیسه شکل ویریلدیکن صوکره بویوک امللر اگر حقیقه ملتک عمومی املی ایسه فوق العاده برسرعتله انتشار ایدیور. بواملی آکلایه رق، ایشیده رک بوتون افراد ملت غلبانه، هیجانه کلیور. چونکه هرکس

بویوک آدمک نثره چالیشدینی بویوک املده، کندی قلبنده کی املک عینی کوریور، کندی تعبیر ایدمه دن طاشیدینی بو مقدس حسه بر شکلی، بر تعبیر بولوندیغنی کوره رک، مغلق بر معما حل ایتش آدم کبی، بر مسرت حس ایدیور. بر ملتک اک حقیقی امللری کشف ایدوبده بونی هر کسک آکلایه بیله جکی ساده و آجیق بر طرزده تعبیر ایدمه بیلن بر بویوک آدم بوتون ملتک افکارینی بر نقطه یه توجیه ایدمه بیلور، ایجاب ایدمه رسه بو امل اوغورنده بوتون ملتتی فرد واحد حالنده خر کته کتیره بیلور. بو فکر مزی مثاللره تأیید ایدلم:

نیچون اون سکرنجی عصر نهایتنده ژان ژاک روسونک آثاری پالکنز فرانسه ده دکل، بوتون آوروپاده بیله مثلی کورولمه مش بویوک بر تأثیر حاصل ایتدی، بوتون فرانسه نك افکار عمومی سنی حرکت کتیردی؛ چونکه فرانسه ده و بوتون آوروپاده اوزمانک چورومش شرائط اجتماعی سنه و اصول اداره سیننه قارشی هر کسک قلبنده تعبیر ایدمه دیکی بر نفرت، بر شکایت موجود ایدی. بو نفرتلری، بو شکایتلری روسو هر کسدن زیاده حس ایتدیکی کبی مثلی کورولمه یین بر مهارت و صمیمیتله تعبیر و اظهار ایدمه بیلدی. هر کس روسونک فکرلارنده دها واضح و دها پارلاق تعبیر اولونمش کندی فکرلری کوردی. بناء علیه روسونک فکرلری بوتون فرانسه ملتتی هیجانه کتیردی. اودرجه ده که تاریخده هیچ بر وقت هیچ بر جمعیت بشریه بر امله دوغرو حر کته بو قدر عزیم و شدت، بو قدر بر تهالک کوسته رمه مش ایدی. فرانسه انقلاب عظیمی هر کسدن زیاده روسونک اثریدر. روسو ایسه فرانسه ملتک معبر افکاری ایدی.

شمدی ده، فرانسه زله نسبتله دها کوچک بر ملتک حیاتندن مثال آلام: بوندن یوز سنه اول، آوروپاده بولغار نامنده بر ملت یوقدی، یعنی بولیه بر ماتک وجودندن کیسه خبردار دکلدی. وولترک مشهور «معصوم - Candide» اثریتی اوقوییکز؛ بولغارلردن بحث ایدمه رکن «منقرض اولمش بر ملتدر» دیور. حالبوکه وولتر زماننک اک معلوماتی، اک واقف آدملرندن بریسیدی. وولتر زماننده بولغارلر حقنده هر کس بو فکرده ایدی. فی الحقیقه او ائشاده بو ملت انقراضه دوغرو سرعتله یووارلانمقده ایدی؛ لکن ناصیل

اولدی ده بو بولغار ملتی « یوق » دن « وار » اولدی ، وار اولدی ده بوتون آوروپا به کنديسی طاینتدی، مدنی آوروپا ملتلی آراسنه حقوق صاحبی اوله رق کیردی ؟ بونک جوابی پک قیصه : یوق اولمه قی آرزوسی، بوتون کنج و صا غلام بولغار ملتک افرانده موجود ایدی . هر بولغار ، دومانلی ومبهم بر صورتده ، شاید حاللری بوسورتله دوام ایدرسه بولغارلک غائب اولاجقنی حس ایدیور و بوندن طولای مضطرب ومکدر اولویوردی . لکن نه بوتدریجی انقراضک اسبابی، نه ده بوکاسد چکمه نک اسبابی کوره بیلوردی .

بولغار ملتی بو حالده ایکن آرالزندن بر قاچ داهی ظهور ایتدی . اوافق ، شخصی املر باتاقلغنده باتمده اولان بولغار ملتلی جانلاندیرمق ایچون اوکا بر بویوک ملی امل ایجاد ایتک لزومنی کوردی . دهادوغروسی بولغار ملتی افرادینک تعبیر ایده مدیکی ملی املنی ملتنه کشف وتفسیر ایتدی . بواملی هم غایت آچیق وهم مؤثر برشکلده ایضاح ایلدی . برکزه بو حاله کلدکن صو کرا بو امل ، بوتون ملتده عمومیت کسب ایتدی . هر کس بوامل حقنده یازیلان شیلری اوقودی ، آکلادی . بویوک امل بوتون حساس بولغارلرک روحنی دولدوردی ، ابدیا اویومغه حاضر لاتمده اولان بر ملت او یاندی .. جانلاندی .. حرکته کلدی . هر کسده یکی امیدلر دوغدی، حیات .. استقباله قارشى نظرلر دیکشیدی . هر کس ایچون شخص اوله رق یاشامق امل محدودندن باشقه ، ملت اوله رق یاشامق امکائی آچیلدی . بویله بویوک امللرک اعلانندن صو کرا بر ملتک جانلانماسی ، صور اسرافیلدن صو کرا امواتک دیریله سی قدر عجیدر . بویوک بر امل ایله یاشایان بر ملت افرانده فعالیت حیاتیه اوقدر شدت وقوت کسب ایدیور که بویله بر ملت خارقه لر پایه بیلور .

درین حس اولونان بویوک امل کرک افرانده و کرک ملتک هیئت عمومیه سنده اوقدر بویوک بر قوت حاصل ایده ر که بوکا قارشى کله جک هیچ بر قوت تصور اولنه ماز . امل صاحبی کنديسی فدا ایدر فقط املندن وازکچمز . ذاتاً « شهید » امل یولنده - کندينی فدا ایدن بویوک امل قربانی دکلیدر ؟ اکر بر ملتک جمله سی شهید اوله جق درجه ده بویوک امل ایله روحلانیرسه بوملتک املنه قارشى نه

مانع اولاییلیر ؟ بولغار ملتک بویله روحانماسی نتیجه سنده نه اولدی ؟ بوملت « یوق » دن « وار » اولدی . ا کر بولغار ملتک تاریخنده « پایازی » بولغار ملتک ماضیسینی پارلاق کوسستمک ایچون شعر لندیریلش بر بولغار تاریخی یازماسه یدی ، ا کر « وازوف » وامثالی داهیلار رومانلریله ، ملتک نجاتی ، تورک پاشالرینک ظلمندن ، تورک « بویوندیریغندن » قورتولمقده اولدیغی آکلاتاماش اولسه یدیلر ، بولغار ملتک ایچون « تورکلرک مستبدانه اداره سندن قورتولمق » امل ملی سینی غایت ماهرانه برلسانله تعبیرایتمهش اولسه لردی ، کیم بیلیر بلکه ، بوکونه قدر بولغار ملتک آسیکی حالنده قالیر و یا خود بوسبوتون غائب اولور کیده ردی . چونکه بر انسان املسز یاشایه مدینی کبی ملتارک فعالیت و ترقیلری حتی بقالری ایچون بر بو یوک « امل ملی » (Idéal national) لازمدر . بوندن باشقه بر ملتک یاشایاماز ، یاشاسه ده ترقی ایده مز . املسز بر ملت ، روحسز بر جسد کبی در .

ماهه بک

تورک عالمی

۲

بز تورکلری ، اسکیدنبری تورکلکه بر نظر استحقار ایله باقغه آلیشیدیر . مشلردر . بونک اسبابی اولکی مقاله مزده مفصلاً بیان ایتمشدک . ذاتاً ایچنده بولوندیغی محیطه بک چابوق قایلیمق کبی نقایص ملیه یه مبتلا اولان تورکلر شرقدن غربه دوعرو یورورکن دائماً کندیلرندن مدتیته یوکسک اقوامه ماده غلبه چالهرق و بونلرله قاریشهرق حرکت ایتمشلردر . ماده مغلوب فقط سویه مدنیسه سی یوکسک اولمق اعتباریله معنا قوتلی و غالب اولان اقوام ایسه بالطبع تورکلری کندی عادت ، لسان ، ادبیات و اعتقادات ملیه لرینه آلیشیدیرمق اولنری بالفعل بلع ایتمک قویولدیلر . بوجهلندن اولهرق آسیای غربیده ایلك